



RUDNICI MRKOG UGLJA «BANOVICI» d.d. BANOVICI

Ulica Armije BiH 52, 75290 Banovići; Bosna i Hercegovina;

Telefoni-Centrala: 00387 35 870-600; 875-010; Fax: 00387 35 875-166

Rješenje Kantonalnog suda Tuzla br: U/I-0891/98.

ID PDV broj: 209329530001

Identifikacijski broj: 4209329530001

Porezni broj: 03421100

www.rmub.ba



Broj: 17919 /20.
Banovići, 06.11. 2020.godina

edis

Na osnovu člana 100. stav 3. Zakona o javnim nabavkama BiH ("Sl.Glasnik BiH" broj: 39) i člana 82. Statuta RMU Banovići d.d. Banovići broj:317/16 od 11.01.2016.godine, ugovorni organ RMU „Banovići“ d.d. Banovići u vezi žalbe od 27.10.2020.godine ponuđača Ganges d.o.o. Doboj, 74000 Doboj, Pridjel Donji br.2, zastupan od Dr.Ostoje Kremenovica, advokata iz Banja Luke protiv Zaključka br.16324/20 od 23.10.2020.godine donosi

RJEŠENJE

1. Žalba od 27.10.2020.godine ponuđača Ganges d.o.o. Doboj, 74000 Doboj, Pridjel Donji br.2, zastupan od Dr.Ostoje Kremenovica, advokata iz Banja Luke protiv Zaključka br.16324/20 od 23.10.2020.godine je **osnovana**.
2. Ovim Rješenjem stavlja se van snage Zaključak br.16324/20 od 23.10.2020.godine.
3. Ugovorni organ će po konačnosti ovog Rješenja u roku od 5 (pet) dana razmotriti žalbu ponuđača GANGES d.o.o. DOBOJ, zastupan od Dr. Ostoje Kremenovića advokata iz Banja Luke, od 22.10.2020.g. na Odluku o izboru najpovoljnijeg ponuđača broj: 15497/20 od 07.10.2020.g (žalba zaprimljena kod Ugovornog organa 22.10.2020. godine) za javnu nabavku robe putem otvorenog postupka za nabavku „Opravka kočione opreme za šinska vozila“ , broj nabavke C-U 69/20.
4. Ovo Rješenje stupa na snagu danom donošenja i dostavit će se svim ponuđačima koji su učestvovali u predmetnom postupku javne nabavke, a objavit će se na web stranici www.rmub.ba istovremeno s upućivanjem istog učesnicima u ovom postupku, u skladu sa odredbama članova 70. i 71. Zakona o javnim nabavkama BiH.

Obrazloženje

Ponuđač Ganges d.o.o. Doboj, 74000 Doboj, Pridjel Donji br.2, zastupan od Dr.Ostoje Kremenovica, advokata iz Banja Luke podnio je žalbu od 27.10.2020.godine protiv Zaključka br.16324/20 od 23.10.2020.godine.

Prije nego se upustio u meritorno odlučivanje, ugovorni organ je pristupio provjeri formalnih pretpostavki za ulaganje žalbe, koje moraju biti ispunjene na strani žalitelja, kako bi se uopće pristupilo njenom rješavanju, a odnose se na uslovljene pretpostavke u skladu sa članom 222. stav (1) Zakona o upravnom postupku BiH ("Službeni glasnik BiH" br: 29/02, 12/04, 93/09, 41/13 i 53/16), odnosno na dopuštenost, blagovremenost i izjavljenost od ovlaštene osobe, odnosno na pretpostavke propisane odredbama članova 100. i 101. Zakona o javnim nabavkama Bosne i Hercegovine.

Ispitujući pravne pretpostavke za postupanje po predmetnoj žalbi, ugovorni organ je utvrdio da su udovoljene procesne pretpostavke za ulaganje žalbe, odnosno da je ova žalba blagovremena, dopuštena i izjavljena od ovlaštenog lica zbog čega je moguće daljnje postupanje po istoj.

Žalba je osnovana.

Žalitelj ističe

Žalilac žalbu podnosi zbog pogrešne primjene ZJN i pravila postupka, a zasniva je na sledećem žalbenom navodu:

- ugovorni organ je žalbu istog žalioca odbacio kao neblagovremenu, pogrešno tumačeći i primjenjujući Zakon o upravnom postupku Federacije BiH u pogledu blagovremenosti podbešene žalbe. Ugovorni organ u obrazloženju osporavanog akta navodi da je osporavana odluka o izboru najpovoljnijeg ponuđača dostavljena žaliocu 9.10.2020. godine, te je žalba koja je dostavljena ugovornom organu 22.10.2020. godine, neblagovremena. Za žalioca nije sporno da mu je osporavana odluka o izboru najpovoljnijeg ponuđača dostavljena 9.10.2020. godine, ali žalba koju je podnio ovaj žalilac i koja je odbacena osporavanim zaključkom, upućena je putem pošte u Banjoj Luci kao preporučena pošiljka 19.10.2020. godine, što znači u roku od 10 dana od dana dostavljanja osporavane odluke o izboru najpovoljnijeg ponuđača, odnosno, žalba je podnešena blagovremeno. Članom 100. Zakona o upravnom postupku F BiH propisano je da kada je podnesak (a žalba ima karakter podneska)

upućen poštom preporučeno ili telegrafski, dan predaje pošti smatra se danom predaje organu kome je upućen. Kao dokaz navedenog, žalilac prilaže Povratnicu i izvještaj o uručenju Pošte Srpske iz koje se nesporno zaključuje da je podnesak upućen ovom ugovornom organu podnesen putem Pošte u Banjoj Luci dana 19.10.2020. godine, a navedena pošiljka je uredno uručena primaocu 22.10.2020. godine.

Imajući u vidu prednje, žalilac zahtjeva od Ugovornog organa da ovu žalbu proslijedi Kancelariji za razmatranje žalbi u Mostar. Žalilac predlaže drugostepenom organu da žalbu usvoji, poništi osporavani zaključak i naloži ugovornom organu da po žalbu ovog žalioaca podnešenoj protiv Odluke o izboru najpovoljnijeg ponuđača broj: 15497/20 od 7.10.2020. godine odluči na osnovu člana 100. Zakona o javnim nabavkama, kao blagovremenoj žalbi.

U tom slučaju, žalilac zahtijeva od drugostepenog organa da, na osnovu čl. 108. Zakona o upravnom postupku, odluči o troškovima ovog žalbenog postupka, na način da naloži ugovornom organu da nadoknadi podnosiocu žalbe troškove postupka prema Tarifnom broju 2., 3., 11. i 12. Tarife o nagradama i naknadi toškova za rad advokata (Sl. glasnik RS broj 68/05 i 96/19), a koji ukupno iznose 658,12 KM (562,50 KM advokatska usluga i 96,12 KM PDV).

Prilog: Povratnica i izvještaj o uručenju

koje navode ugovorni organ **cijeni osnovanim.**

Naime, žalitelj je dostavio kao prilog povratnicu i izvještaj o uručenju žalbe čime nesporno proizilazi da je žalba blagovremeno poslata putem preporučene pošte a koje činjenice ugovornom organu nisu bile poznate u vrijeme razmatranja prvobitne žalbe.

Imajući u vidu naprijed navedeno, ugovorni organ će sačekati konačnost rješenja kojim je žalba žalitelja osnovana i tek po konačnosti istog u roku od 5 (pet) dana razmotriti žalbu ponuđača GANGES d.o.o. DOBOJ, zastupan od Dr. Ostoje Kremenovića advokata iz Banja Luke, od 22.10.2020.g. na Odluku o izboru najpovoljnijeg ponuđača broj: 15497/20 od 07.10.2020.g (žalba zaprimljena kod Ugovornog organa 22.10.2020. godine) za javnu nabavku robe putem otvorenog postupka za nabavku „Opravka kočione opreme za šinska vozila“, broj nabavke C-U 69/20.

Imajući u vidu naprijed navedeno, odlučeno kao u dispozitivu ovog Rješenja.

Pouka o pravnom lijeku:

Protiv ovog Rješenja može se izjaviti žalba URŽ-u, putem Ugovornog organa, u roku od 5 (pet) dana od dana prijema Rješenja.

DOSTAVLJENO:

1x GANGES d.o.o.DOBOJ
1x A/A

V.D DIREKTOR

Fadil Kudumović, dipl.inž.rud.



Transakcijski računi:

161 0250 007 190075 Raiffeisen bank d.d. BiH, filijala Tuzla
132 1300 309 179345 NLB Banka d.d. Tuzla, filijala Banovići
187 2000 000 044917 Postbank BH d.d. Sarajevo, filijala Živinice
154 3602 003 310866 Intesa Sanpaolo banka d.d. BiH
555 0530 049 467130 Nova banka AD Banja Luka, ekspozit. Tuzla

306 0450 000 163538 Hypo Alpe Adria bank Bosnia d.d.
140 4010 018 681113 Sberbank BH d.d. Sarajevo
186 0001 048 962098 Turkish Ziraat bank Bosnia d.d.
338 4402 212 197081 UniCredit banka d.d. Mostar

RMU.423-08